

ՀԱՍԱՐԱՆՈՒԹՅԱՆ ԿՅԱՆՔՈՒՄ ԵՐԳԻՓԱՆՔԻ ԴԵՐԻ ՄԱՍԻՆ՝

Պաամարան, թե՛ բանասեր, հրապարակախոս, թե՛ ժուռնալիստ, երբ իրեն առջև խնդիր է դնում հետազոտել թե՛ երբ, ինչի համար և ինչպես են մարդիկ ծիծաղել ու հեղնել, պատմական մի որոշ շրջանում դադարաբան-հասարակական ինչ կերպարանք են ունեցել երգիծանքն ու հումորը, նշմարելի մի օրինաչափություն է նկատում: Դրա իմաստը այն ճշմարտությունն է, որ երգիծաբանությունը, մասնավորապես երգիծական լրագրությունը, մեծապես ծաղկել ու արճառությունը բարձրության են հասել հասարակության կյանքում տեղի ունեցած բեկումնային իրադարձությունների ու խոր ցնցումների, դասակարգային ու աշխարհային սոցիալական հակամարտությունների առաջիկ սրման պահերին:

Կ. Մարքսը այստեղ ևս հանճարեղորեն տվել է այդ երևույթի խոր բնահանձնական-փիլիսոփայական բացատրությունը: Նա դիտել է կերպով նկատել է, որ երբ պատմությունը դերեղման է տանում կյանքի հնացած ձևը, մարդկությունն ուրախ տրամադրությամբ է բաժանվում իր անցյալից¹:

Բաստիլիան գրոհողների հետ միասին, իր դարն ապրած ֆրանսիական ավատականության փտած բարբերին հուժկու հարվածներ են հասցրել Վոլտերի անողոր ու սպանիչ երգիծական պամֆլետները, և դրանով ոչ նվազ դեր կատարել ժամանակի հասարակական շարժման մեջ: Հանրահայտ է այն խոշոր դերը, որ կատարում էին ֆրանսիական մեծ հեղափոխության տարիներին Փան-Պոլ Մարատի կրքոտ, հեղափոխական պաթոսով հագեցված հրաշունչ պամֆլետները, որոնք տպագրվում էին գլխավորապես նրա «Ժողովրդի բարեկամ» թերթում: Անցյալ դարի 30-ական թվականների հեղափոխական իրադարձությունները նույն ֆրանսիայում ծնունդ տվեցին դեմոկրատական ուղղության «La Caricature» («Կարիկատյուր» և «Le Charivari» («Շարիվարի») երգիծական պատկերազարդ թերթերին, որոնց էջերից նրանց հիմնադիր Շառլ Ֆիլիպոնը, այդ պարբերականների շուրջը համախմբված տաղանդավոր ձախ ժուռնալիստների մի մեծ խումբ, նրանց հետ միասին Օ. Բալզակը, «Երգիծական պատերազմ» էին մղում հուլիսյան միապետության դեմ²: Լինելով դեմոկրատական շարժման ձախ թևի մարտական-բաղաժանյալ գեներ, երգիծական այդ թերթերն իրենցով սկզբնավորեցին պարբերական մամուլի, ժամանակակից հասկացողությամբ, նոր բնագավառ, խթանելով երգիծական ժուռնալիստիկայի հետագա բուռն զարգացումը:

Ֆրանսիայի օրինակը, անտարակույս, եղակի չէ: Իսկ ԱՆգլիան: Չե՛ որ Կ. Մարքսը հիացմունքով էր խոսում XIX դարակեսի անգլիական դասական

¹ К. Маркс, Ф. Энгельс, Соч., т. I, стр. 418.

² «История французской литературы», т. 2, Москва, 1956, стр. 333—348.

* Հոդվածը XX դարի սկզբի Արևելահայ քաղաքական երգիծանքի մասին հեղինակի հետազոտության ներածական մասն է:

ռեալիստ գրողների, ավելի շատ Դիկենսի և Թերերեյի մասին, որոնք իրենց ստեղծագործությունների մեջ հանձարեղորեն պատկերում էին կյանքի սոցիալական կողմը, կծու հեղինակում «մեծամտությամբ, փրվածությամբ, մանր բռնակալությամբ ու տգիտությամբ տոգորված» բուրժուազիայի բոլոր խավերին: «Անգլիայի վիպագիրների ժամանակակից փայլուն դպրոցի ցայտուն ու պերճախոս նկարագրություններն,— գրում էր Մարքսը,— աշխարհի առջև բացահայտեցին ավելի շատ քաղաքական ու սոցիալական ճշմարտություններ, քան այն արեցին քաղաքագետները, հրապարակախոսներն ու բարոյագետները, միասին վերցրած»³:

Մարքսը, բուրժուական դասակարգին դրոշմված խարանդ մի էպիգրամ էր համարում այն խոսքերը, որոնք ազդարարում էին թե. «նա հաճույակատար է իր վերաբերմունքով դեպի բարձր կանգնածները և բռնակալ է դեպի ցածր կանգնածները»: Հայտնի է, որ այդ թեմայով դարձվածքի հեղինակը անգլիական մեծ երգիծաբան, ժուռնալիստ ու ֆելիետոնիստ, «Փառամոլության շուկան» ու «Գիրք սնորհների մասին» հոշակավոր երգիծական վեպերի ստեղծող Ուիլյամ Թերերեյն է, որն առաջինը համաշխարհային գրականության մեջ մոծեց «Սնորք» հասկացողությունը, և հենց միայն դա բավական էր, որ նա անմահացներ իր անունը:

Նման իրողության ենթ հանդիպում նաև անցյալ դարի 60-ական թվականների Ռուսաստանում: Հանրահայտ է ռուսական պատմության նշանավոր այդ տասնամյա հատվածը: Ցարական Ռուսաստանի պարտությունը Ղրիմի պատերազմում, որն ամբողջ մերկությամբ ցույց տվեց ճորտատիրական կարգերի անկենսունակությունն ու մոտալուտ կործանումը, առաջ բերեց հասարակական շարժման բուռն վերելք: Այդ վերելքի ալիքների վրա ծնվեց ու բյուրեղացավ հասարակական նոր մտածելակերպ: Չերնիշևսկու, Դոբրոլյուբովի և Երցկենի զիսավորությամբ ձևավորվեց հեղափոխական դեմոկրատիայի գաղափարախոսությունը, որը հսկայական արձագանք գտավ ու մեծագույն ազդեցություն ունեցավ ինչպես ժամանակակիցների, նմանապես և հետագա սերունդների աշխարհայացքի ու գործելակերպի վրա:

Ահա և ռուսական երգիծական ժուռնալիստիկայի նոր, երկրորդ ծնունդը սերտորեն կապված էր երկրի պատմության բեկումնային այդ շրջանի հետ:

Վաթսունական թվականների հեղափոխական շարժման և հեղափոխական մտքի բուռն վերելքով էր պայմանավորված նաև առաջավոր դեմոկրատիայի երգիծական օրդան «Իսկրա»-ի հանդես գալը, որը հիմնադրել էին ռուսական դեմոկրատական մտավորականության փայլուն ներկայացուցիչներ Վ. Ս. Կուրոչկինը և Ն. Ա. Ստեպանովը: Տարակուսանք չի հարուցում, և ռուս ժուռնալիստիկայի պատմաբանները միակարծիք են այն խնդրում, որ «Իսկրա»-ն հեղափոխական դեմոկրատիայի մարտական օրդանն էր, որն իր գաղափարական ուղղությամբ Չերնիշևսկու «Սովրեմեննիկ»-ի, Պիսարևի «Ռուսկոյե սլովո»-ի և Գերցենի «Կոլոկոլ»-ի ամենամերձավոր զինակիցն է եղել:

3 «4. Մարքսը և Զ. Էնգելսը արվեստի մասին», Երևան, 1963, էջ 652—653:

4 Б. П. Козьмин, Журналистика шестидесятих годов XIX века, Вилья, М., 1948. Г. М. Лебедев. Сатирический журнал, «Искра», Москва, 1959, И. Я. Ямпольский, Сатирическая журналистика 1860-х годов, Москва, 1964 и другие.

Պարբերական մամուլի պատմության հետազոտողը չի կարող չնկատել, որ ուսական իրականության 60-ական թվականները հասարակական մտքի պատմության մեջ նշանավորվել են նաև այն կողմով, որ այդ շրջանում մշակվել ու ձևավորվել է որոշակի հայեցակետ գեմեկրատական, քաղաքական երգիծանքի հասարակական նշանակության ու գերի մասին:

Ռուսական հեղափոխական-գեմեկրատական մտքի կորիֆեյներինց Ն. Ա. Գորբուլյուբովը հատուկ դրադմունքի նյութ էր դարձրել իր ապրած շրջանի երգիծական ժուռնալիստիկայի վիճակի և հեռանկարի հարցերը: Գորբուլյուբովը մեծադույն կրքոտությամբ նեղվել էր երգիծաբանության հասարակական գերի ու նշանակության շուրջը հեղափոխական-գեմեկրատների և լիբերալների միջև ծայր առած սուր պայքարի մեջ:

Առիթն ավելի քան նպաստավոր էր: Լիբերալ պատմաբան Ա. Աֆանասևը 1859 թ. հրապարակում է հատուկ աշխատություն ևկատերինյան շրջանի երգիծական հանդեսների մասին, որտեղ նա, Եկատերինա 2-րդի թագավորության ժամանակաշրջանը ներկայացնում է, որպես «ոսկեդար», երբ, իբրև թե, մեծ չափով ծաղկման են հասած եղել հրապարակայնությունն ու երգիծաբանությունը:

Ն. Ա. Գորբուլյուբովն այդ առթիվ մի ընդարձակ հոդված է հրապարակում «Սովրեմեննիկ»-ում՝ «Ռուսական երգիծանքը Եկատերինայի դարում» վերտառությամբ⁵: Մերժելով աշխատության հեղինակի լիբերալ դատողությունները, Գորբուլյուբովը ցույց է տալիս XVIII դարի ուսական երգիծաբանության սահմանափակվածությունը, պնդելով, որ այն եղել է մանրախնդիր և մակերեսային, հեռու մնալով արմատական հասարակական շարիքները մերկացնելու խնդրից: Այս եզրակացությունն ավելի քան կտրուկ է, սակայն իր ամբողջության մեջ, անտարակույս, ճշմարիտ է:

Ինչպես անցյալում, նմանապես և մեր օրերում, այն կարծիքն է հայտնարվել, որ Գորբուլյուբովը, տալով XVIII դարի ուսական երգիծական ժուռնալիստիկայի ընդհանուր ճիշտ գնահատականը, անտեսել է, որ մանրախնդիր երգիծանքի կողքին, ևկատերինյան շրջանի երգիծական հանդեսների թվում կային նաև Ն. Ի. Նովիկովի ժուռնալները, որոնք օպոդիցիոն դիրք էին զբաղում ժամանակի հասարակական ըմբռնման ծովում: Միաժամանակ նշվել է, որ այնուհանդերձ, Գորբուլյուբովն է, որ ամբողջ հասակով բարձրացրել է հասարակության կյանքում երգիծական գրականության նշանակության թեղը:

Ձեռնարկելով իր դարաշրջանի քաղաքական երգիծաբանության հիմնական խնդիրները, Գորբուլյուբովը գտնում էր, որ երգիծանքը պարապ վարձություն չէ, այլ կարևոր հասարակական գործ: Գորբուլյուբովի լուսավոր միտքը միայն կարող էր այն ընդհանրական եզրակացության գալ, որ երգիծաբանությունը ահեղ գեներ է, որը կոչված է մեծ գեր խաղալու Ռուսաստանի հեղափոխական վերափոխման համար ժողովրդի արթնացման ու նախապատրաստման գործում: Իսկ տվյալ պահին ճորտատիրությունը, ժամանակի հասարակական գլխավոր շարիքը, պետք է դառնար երգիծական ընդհանրացման հիմնական առարկան:

Հասարակական կյանքի երևույթների մեծ մասը, գրում էր Գորբուլյուբովը, պարզապես չի կարող փոխվել առանձին մարդկանց կամքով. պետք է փոխել

5 Н. А. Добролюбов. Собр. соч., т. 2. Москва, 1952, стр. 316—398

իրադրություններ, այլ հիմքեր ստեղծել մարդկանց գործունեության համար, մեր երգիծողները, շարունակում է մտորել նա, մասամբ չէին ցանկանում հասկանալ այդ, իսկ մասամբ էլ հասկանում էին, բայց չէին կարող արտահայտել, Երգիծողները հարձակվում էին տգիտության, կաշառակերության ու կեղծ բարեպաշտության վրա, մերկացնում ապօրինություններն ու հասարակական սանդուղքի ցածրում կանգնածների նկատմամբ ամբարտաճանությունն ու դժանություններ, բարձրում կանգնածների նկատմամբ՝ ստորաթարջությունը: Սակայն այդ մերկացումների մեջ շատ հազվադեպ էր նշմարվում այն միտքը, որ բոլոր այդ մասնակի երևույթները հասարակական անեղբայր կառուցվածքի անխուսափելի հետևանքներն են:

Սրան պետք է ավելացնել նաև Դորրոյությունների այն խորաթափանց դիտողություններ, որ «ներկա ժամանակի մասին միշտ էլ դժվար է շիտակ և վճռական տատողություն անել», ակնարկելով հասարակական առաջավոր մտքի ու երգիծանքի ճանապարհին կանգնած կաշկանդումներն ու խոթերը:

Դորրոյությունների միտքն ավելի հեռուն էր թռչում: Ինչպես երևում է հոդվածից, նրան մտահոգում էր նաև երգիծաբանության ապագա կոչումը, նրա դերը նոր հասարակարգում: Եթե շահագործման ու բռնության անարգ սյունների վրա կառուցված հին հասարակարգում առաջավոր երգիծաբանություններ, ինչպես կարծում էր Դորրոյությունը, պետք է փնտրի ու մերկացնի շարիքի արմատները, այլ ոչ մասնակի երևույթները, ապա՝ ինչպիսին պետք է լինի երգիծանքի դերը այլ, նոր հիմքերի վրա ստեղծված հասարակարգում: Նոր, սոցիալիստական հասարակարգը պատկերացնելով որպես կատարյալ, մարդկանց՝ խելացի կազմակերպված գործունեություն, Դորրոյությունը գտնում էր, որ այդ հասարակարգում երգիծանքը սկսման ցանցին այն մարդկանց, որոնք չեն կարողանա օգտվել նոր կառուցվածքի առավելություններից:

Մեծ մտածողի այդ նոր, թարմ հայացքներն այնքան էին բարձրանում դարի կանոնիկ մտածողության նեղ հորիզոնից, որ անկարելի էր այն չնկատել ու անարձագանք թողնել: Բուրժուականորեն ազատամիտ պատմագրությունը, որ ստեպ-ստեպ, իհարկե, երկյուղածությամբ ու մեծագույն զգուշավորությամբ, կառչում էր առաջավոր մտքի այս կամ այն ցուանքին, այստեղ ևս անկարող եղավ լուրջությամբ անցնել: Այդ առթիվ ուշադրավ էջերի կարելի է հանդիպել Ա. Ն. Պրպինի մոտ:

Դառնալով հայկական իրականությանը, նկատում ենք, որ երգիծական ժողովրդականության այստեղ, ամբողջ հայկական մտավոր կյանքի զարթոնքին զուգընթաց, ծնունդ է առնում անցյալ դարի 60—70 թվականներին: Այն անուշտ սերտորեն կապված էր հասարակական նոր հարաբերությունների երևան գալու, ազգային զարթոնքի, հայ ժողովրդի ազգային-ազատագրական շարժման ու զազափարախոսության ձևավորման, թուրքական և ամեն տեսակ բռնապետության դեմ հայ ժողովրդի պայքարի նոր շրջանի հետ:

Դարաշրջանը, հայ ժողովրդի քաղաքական ու մտավոր կյանքի վերանորոգման անհրաժեշտության զգացումը, հասարակական շարժման ու հասարա-

կական առաջավոր մտքի ընդլզման ճանապարհին դեմ կանգնած խավարամտության ու սլահայանողականության դեմ թափ առած պայքարը առաջ բերին սուր խոսքի ու մտքակող ծաղրանկարի պահանջ: Լ՛հ՛ա պատմական այս շրջանում, արևմտահայ և արևելահայ միջավայրում, երևան է գալիս Գ. Սունդուկյանի և Հ. Պարոնյանի չպերպանցված երգիծանքը, որն իր մերկացնող ու ժոժ ու թափոժ հայ ռեսուրսական գրականության ու երգիծաբանության ձևավորման ու հետագա զարգացման գործում նույն մեծ դերն է կատարում, ինչպիսին կատարեցին Մուխրանի ու Թեքերեյի, Գոգոլի ու Շչեքունի ստեղծագործություններն և վրոպական ու ռուսական իրականության մեջ:

Տարակուսել չի կարելի, որ սեփական ազգային հողի ու ավանդների վրա առաջացած հայ առաջավոր դեմոկրատական երգիծական ժուռնալիստիկան, հատկապես XIX դ., նկատելի չափով հաղորդակից է եղել ռուսական առաջավոր հասարակական մտքին, զգալիորեն հարստացել համաշխարհային կուլտուրայի լավագույն ավանդներով: Լինելով և նաև ռուս հեղափոխական-դեմոկրատական առաջավոր մտքի ազդեցությունը դարի հասարակական-քաղաքական մտահայեցողության վրա: Լի փոքր շնչով լի վերհիշենք թեկույ Գերցին-Նալբանդյան, Նալբանդյան-Սրվաճյան գաղափարական կամուրջը: Չնայած նրան, որ հեղափոխական-դեմոկրատական գաղափարախոսությունն ուրույն կերպով էր արձագանք գտել Հ. Սրվաճյանի ինչպես մտածելակերպի, այնպես էլ գործնական քայլերի մեջ:

Լից հանգամանքն, անշուշտ, պայմանավորված էր Սրվաճյանի ապրած հասարակական միջավայրի ու հայ հասարակական շարժման յուրահատկությամբ: Լի կադեմիկոս Լի. Հովհաննիսյանը գտնում է, որ եթե 50-ական թվականներին Սրվաճյանի «Մեղու»-ի դեմոկրատիզմը չէր հասնում հեղափոխական լարման, ապա 60-ական թվականներին Լի. Նալբանդյանից կրած ազդեցության հետևանքով, այն նոր որակ է ձեռք բերում, ստանալով հեղափոխական ուղղություն: Լինք աճելի շատ հակված ենք մտածելու, որ այստեղ ամենևին չի նույնացվում ռուսական-հեղափոխական դեմոկրատիզմն ու Սրվաճյանի առաջավոր դեմոկրատական գաղափարական պլատֆորմը:

Իրավացի է, անշուշտ, գրականագետ Լի. Լևատրյանը, երբ պնդում է, որ «... Սրվաճյանի մեծագույն ծառայությունը հայ գրականությանն այն է, որ նրա հիմնադրած «Մեղու»-ի էջերում, նրա իսկ գրչով սկզբնավորվում է արևմրտահայ երգիծաբանությունը, որի հետագա զարգացումը կապված է Սրվաճյանի անմիջական մեծ հաջորդի՝ Հակոբ Պարոնյանի անվան հետ»:

Հ. Սրվաճյանն իր հրապարակախոսական գործունեության ընթացքում քաջ գիտակցում էր երգիծաբանության կոչումը, երգիծական մամուլի հասարակական դերն ու նշանակությունը: Լից առթիվ նրա ասույթներն ու առաջադեմ մտորումները չեն կորցրել իրենց հետաքրքրությունը մեր օրերում ևս: «Էն աճելի լուսավորյալ, — դրել է Սրվաճյանը «Մեղու»-ում. — և էն քաղաքակիրթ ազգերը հատկապես ժողովրդյան և տերության վարմանց պակասությունները ծաղրելու համար, լրադիրենը ունեն և այն ազգերը անանկ համոզված են և իրավամբ, թե այն լուսգրերուն մեկ թերթը բարոյականի դասատու ինչիստփայի մը մեկ հատոր գրքեն աճելի ազդեցություն և արդյունք ունի»:

7 Ա. չ. Հ. Վ. հ. հ. ի. յ. յ. Նալբանդյանը և նրա ժամանակը, հատ. 1, էջ. 406:

8 Ա. յ. Ա. յ. յ. յ. յ. Հարություն Սրվաճյան, Իրևան, 1967, էջ 193:

9 «Մեղու», 1867, № 13, էջ 293:

Հ. Սրվաճյանի այս խոսքերի մեջ թափանցիկ կերպով ուրվագծված են նրա առաջադեմ-ղեմոկրատական հայացքները, որոնք իրենց ընդհանրացման ուժով մոտենում են Դորրոլյուբովի մտահայեցողությանը: Ի՞նչ ենք կարդում այդ տողերի մեջ: Նախ, որ հայ երգիծական ժուռնալիստիկան, ծագելով հայկական իրականության սոցիալ-քաղաքական սեփական պատվանդանի վրա, իր մեջ է առել նաև «քաղաքակիրթ ազգերի» լավագույն ավանդները: Այնուհետև, այստեղ հստակ, և միանգամայն ինքնուրույն կերպով, ձևակերպված է երգիծական ժանրի սոցիալական էությունը, նրա նոր պարտականությունը «ժողովրդյան և տերության վարմանց պակասությունները ծաղրելու համար»:

Դեմոկրատ մտածողն անշուշտ լավ գիտեր կատակերգության զերր հասարակության կյանքում: Սակայն, իր ժամանակի հրատապ նշանակություն ստացած սոցիալ-քաղաքական պրոբլեմների բարձրացման ու լուծման գործում, նա գերապատվություն է տալիս երգիծական պարբերականներին, իր իսկ արտահայտության մեջ, երգիծական լրագրերին, որոնց «մեկ քեքք բառովսկանի դասատու փիլիսոփայի մը մեկ հատուր գրե՛ն ավելի ազդեցություն և արդյունք ունի», դրանով ընդգծում նաև երգիծական ժուռնալիստիկայի հասարակական ներգործության մեծ ուժը: Եվ «Մեղու»-ում Սրվաճյանի տպագրած երգիծական նյութերը հաջողությամբ էին լուծում նրա հանձնարարականները ժողովրդի հոգևոր կյանքում երգիծական գրականության տեղի ու դերի մասին:

Հայ դեմոկրատական մամուլի, ուրեմն և առաջադեմ երգիծական ժուռնալիստիկայի, պատմությունը սկզբնավորեցին Մ. Նալբանդյանի, Գ. Սունդուկյանի, իսկ հետագայում նաև Հակոբ Պարոնյանի ստեղծագործությունները: Մեր հայ ազգային երգիծաբանության ու երգիծական մամուլի ամբողջ հետագա պատմությունն, հասարակական կյանքի իր շոշափած հարցերով, ժանրային ու ոճական առանձնահատկություններով, մեծապես կրել է նրանց բարերար ու տիրական ազդեցությունը: Դա ճշմարիտ է ինչպես արևմտահայ իրականության, այնպես էլ արևելահայ հատվածի մտավոր-հասարակական կյանքի համար:

Մ. Նալբանդյանի «Հիշատակարաններն» ու «Մեռելահարցուկը», Հ. Պարոնյանի «Խատրոնն» ու այլաբանական «Ծիծաղը», Գ. Սունդուկյանի — Համալի ու Հաղիղի երգիծական մանրապատումները, հայ իրականության մեջ երգիծական նոր ժանրի՝ հրապարակախոսական ֆելիետոնի, դրանց թվում նաև երգիծական պամֆլետի, ամուր հիմքերը դրեցին:

Ճիշտ է նկատել ժամանակին անվանի բանասեր ու գրականագետ Գ. Լևոնյանը, որ Մ. Նալբանդյանը եղավ «Հայ երգիծաբանության կարապետը»¹⁰:

Օգտվելով առիթից, պետք է նշենք, որ Գ. Սունդուկյանի ստեղծագործության նշված կողմը մինչև այժմ չի դարձել նրա գրական վաստակը հետազոտողների ուշադրության առարկան: Իսկ, իրոք, ինչ բովանդակություն և արժեք ունեին «Մշակ»-ում և «Արձագանք»-ում տպագրված Գ. Սունդուկյանի ֆելիետոններն ու երգիծական պամֆլետները, որոնց նա «Մասլահաթներ» անունն էր տալիս: Ի՞նչու էր հանճարեղ զրամատուրգը դիմում լրագրային այդ ժանրին:

Դժվար չէ նկատել, որ նրա այդ մասլահաթ-ֆելիետոնները սոցիալական հնչեղություն էին ձեռք բերել ժամանակի թելադրանքով:

¹⁰ «Կոռն», ժողովածու, 1911:

Թիֆլիսահայ բարբառով, սունդուկյանական համով ու հոտով գրված այդ ֆելիետոնների մեջ, մեծ երգիծողը, հավատարիմ իր սուր և անկախ գրչին, անողոք ձաղկում էր նոր, բուրժուական հարաբերությունների արատավոր կողմերը, մերկացնում անգույթ շահագործող վաշխառուին, սոցիալական անարդարություններն ու դրանց հողի վրա ծագած կեղծիքն ու խաբեությունը։ Հենց իրեն, Սունդուկյանի մոտ, կարելի է հանդիպել այնպիսի տողերի, որտեղ նա ուղղակիորեն վկայում է թե ի՞նչ ուժեղ աղղկություն էին գործում ֆելիետոնները ժամանակի կյանքի տարբեր կողմերի վրա։

Խնդիր չղնելով Գ. Սունդուկյանի հասարակական շնչեղությամբ տոգորված ֆելիետոնների հանգամանալից վերլուծությունը, որպես օրինակ կարող ենք հիշատակել նրա մասլահաթներից մեկը, որն հենց այդպես էլ, «Մասլահաթը» վերնագիրն է կրում։ Գ. Սունդուկյանն, այդ ֆելիետոնի մեջ, բալզակյան պաթոսով, իր երգիծանքի մտրակը ուժգնորեն շառաչեցնում է դրամի ալերիչ ու հասարակական բարքերն ապականող ուժի վրա։

Բուրժուական հասարակարգում մարդկանց վրա դրամի ամենազոր իշխանության նման մերկացում, ընչադուրկ ժողովրդի նման պաշտպանություն՝ եղակի է ժամանակի հայ հրապարակախոսության մեջ։ Դժվար չէ պատկերացնել, թե հոգու ի՞նչ ալեկոծություն պետք է ապրեր Սունդուկյանի ժամանակակիցը, երբ կարդում էր մեծ երգիծողի այս ցասումնալից, ժողովրդի կեղեքիչների նկատմամբ խորն ատելությամբ լի տողերը։

«...Առանց խափիլ, առանց սուտ խոսիլ, առանց հաշա ուտիլ, առանց զոփիլ, առանց գջիլ, առանց սուտ կուտր ննգնիլ, առանց օմքնու զլուխը եղիլ, առանց զլուխը կռացնիլ, առանց երեսպաշտութիւն, առանց ղալբութիւն ու ղալթարանդութիւն փուղ մող անիլ կոչի՞»։ Վուր չէ ըլում, ի՞նչ անենք...

Միզ ի՞նչ թե միր արարմունքով խախի շատ փայն նիղութենումն է, մեկի վրա հազարը քաղցած է, ծարավ է, տուն չունե, տիղ չունե, առուտեհան ինչրու մութն ու դիշերն, ինչրու լույսը վա է տալի իր զլուխը, միրն էլ հիղը... մի՞զ ինչ, մինք ինչ անինք... ջահանդամը նրանց զլուխը...»¹¹։

Մեր պարտքն է վերջապես ցույց տալ, որ Գ. Սունդուկյանն իր դարաշրջանի հայ կուլտուրայի այն դեմքերից է, որոնք իրենց ստեղծագործությամբ, այդ կամեցել են նրանք թև-ոչ, ընդունել են թև-ոչ, պատկանում են հեղափոխական գրողների փայլուն սերնդին։ Այդ է օբյեկտիվ պատմական ճշմարտությունը։

Հայ երգիծարանության չգերազանցմած գագաթը, սակայն, դարձավ Հ. Պարոնյանը։ Նա, անտարակույս, իր ստեղծագործական թափով ու մասշտաբներով, հասնելով համաշխարհային երգիծական մտքի բարձունքներին, զլխավորում էր իր ժամանակի դեմոկրատական հոսանքը, շարունակում էր Նալբանդյանի և Սրվաճյանի մարտական ավանդները։ Նրա ամբողջ ստեղծագործությունը շնչում է բուրժուական և ավատական կարգերի, թուրքական բռնակալության նկատմամբ մերկացնող, հզոր երգիծական պաթոսով¹²։

Այսպիսով, անցյալ դարի երկրորդ կեսի հայ սոցիալական երգիծանքն ու երգիծական ժուռնալիստիկան նշանակալից և հարուստ էջեր ունեն, որոնք կարող են առատ նյութ ընձեռել դիտական հատուկ հետազոտության համար։

11 Գ. Սունդուկյան, Երկերի լիակատար ժողովածու, հ. 3, Երևան, 1952, էջ 272—273։

12 «Հայ նոր գրականության պատմություն», Երևան, 1964, էջ 421։

* * *

Սակայն, մեր երկրի պատմության նախորդ ոչ մի շրջան մասսայական երգիծական լրադրության այնպիսի առատություն չի բերել իր հետ, ինչպես այն բերեց ոռոսական տոաջին հեղափոխությունը:

Եվ դա հասկանալի է, ու տրամաբանական:

Նոր, իմպերիալիզմի դարաշրջանում, Ռուսաստանի ժողովուրդները, պայքարի նոր ձևերով ու միջոցներով առաջին գլխավոր փորձը կատարեցին ոռոսական ռադմս-ֆեոդալական միապետությունը տապալելու, նրա փլատակների վրա իսկական համաժողովրդական դեմոկրատական կարգեր հաստատելու համար: Ինքնակալության դեմ մղված համաժողովրդական այդ պայքարի պատմությունն իր շատ կողմերով հանգամանորեն հետազոտվել է մեր պատմագրության կողմից և, ոռոսական առաջին հեղափոխության մասին հրապարակի վրա այնքան առատ պրականություն կա, որ հավիվ թե կարիք լինի նրա հետ ուղղակի կամ անուղղակի առնչվող այս կամ այն հասարակական շարժման կամ հասարակական մտքի ուսումնասիրությունը նվիրված հետազոտության մեջ նորից անդրադառնալ նրա բնութագրմանը:

Այդ հեղափոխության բնույթի, հասարակական շարժիչ ուժերի, նրա մեծադույն պատմական նշանակության մասին, բարեբախտաբար, ամենքի տրամադրության տակ են լինիյան անմահ գործերը: Վ. Ի. Լենինը, հիրավի, ոռոսական ազատագրական պայքարի այդ խոշորագույն զրվադի առաջին ու մեծ պատմաբանն է:

Այնուամենայնիվ, մեր հետազոտության նյութի գիտական շարադրանքը պահանջում է մշտապես աչքի առաջ ունենալ առաջին, որ իր բնույթով, իր սոցիալ-քաղաքական նպատակներով 1905 թ. հեղափոխությունը բուրժուադեմոկրատական հեղափոխություն էր: Երկրորդ, հեղափոխությունը շարժման մեջ էր ներգրավել երկրի հասարակայնության բոլոր խավերին և սոցիալական տարբեր ուժեր, որ ստարեր դասակարգեր ու հասարակական պանաղան խմբեր տարբեր նպատակներ ու ակնկալություններ ունեին նրանցից: Եվ, երրորդ, այդ բոլորի հետ միասին, սոցիալական այդ տարբեր ուժերին ու քաղաքական խմբերին միավորում էր նրանց ընդհանուր ատելությունն ու ցասումը Ռումանության դինաստիայի ու նրա կամարիլիայի նկատմամբ: Ծիշտ է նկատված, որ, հետադոտելով ոռոսական առաջին հեղափոխության շրջանի երգիծական մամուլը, չի կարելի տնտեսել, որ այդ արտաքին միաբանության կողքին կային նաև ներքին խորը հակասություններ ու գործելակերպի և նպատակների բաղմապանություն¹³:

Առաջավոր հասարակական միտքը, հանձինս հրապարակախոսության ու պարբերական մամուլի, գրականության ու, հատկապես, երգիծական ժուռնալիստիկայի, արտաքուրելով ժամանակի ողին, բոլոր հնարավոր միջոցներով մասնակից դարձավ ցարիզմի դեմ մղվող համաժողովրդական պայքարին: Այժմ սուր խոսքն ու մտրակող ծաղրանկարը, հեղնանքն ու հումորը, նույնպես խարխուլում էին հին կարգերի հիմքերը մարդկանց համոզմունքների ու հնամենի պատկերացումների մեջ:

¹³ «Русская сатира». Москва—Ленинград, 1960, стр. 21.

Հեղափոխական պայթյունով համակված ժողովրդական դանդաժների, ցարիզմի դեմ ոտքի ելած մարտիկի ոչ սրտին, ոչ էլ հոգուն, չէին կարող գոհացում տալ բարեհոգի հումորն ու կենցաղային երգիծանքը: 1905 թ. հեղափոխությունը ուսական, և ոչ միայն ուսական, հրգիծաբանությանը հաղորդեց սոցիալական ու քաղաքական շեշտված երանգ: Սոցիալական երգիծանքը մտավ իր դերի մեջ, և հաջողությամբ էր կատարում Դոբրոլյուբովի երազած իր հասարակական պարտքը:

Վերջին տարիներին հրապարակված մի շարք աղբյուրների տվյալներով, հեղափոխության միայն առաջին և երկրորդ տարում, ինչպես սունկը գարնան թարմաշունչ ու կենսաբեր անձրևից հետո, մեկը մյուսի ետևից Ռուսաստանում և նրա ծայրամասերում երևան եկան շորս հարյուրից ավելի երգիծական պարբերականներ¹⁴: Համարձակ ու սուր, ծաղրող ու խարանդ էին մամուլի այդ օրգանները: Եվ որքան խորանում էր հեղափոխությունը, որքան ավելի նոր դանդաժներ ու երկրի նոր շրջաններ էին ընդգրկվում հեղափոխական պայքարի մեջ, այնքան ավելի էր մեծանում երգիծական պարբերականների մերկացնող պայթյունը: Այդ տարիների ուսական ամենահամարձակ ու ամենասուր հանդեսները, որոնք կրում էին բաղմանշանակ «Буря», «Пулемёт», «Бомбы», «Борцы», «Пули», «Девятый вал», «Свобода», «Жало» և այլ անուններ, սուր ու ցասկոտ խոսքի ամենաբաղմանալի միջոցներով իսկական երգիծական պատերազմ էին մղում ցարական ինքնակալության դեմ: Երգիծողների գրիչը, ծաղրանկարիչների վրձինն ու մատիտը ոչնչացնող սարկազմով ձաղկում ու հեղնում էին նիկոլայ 2-րդին ու արքայատան մյուս անդամներին, ցարական սառնասրտիկներ ու բարձրաստիճան պաշտոնյաներ Դուրնովոյին ու Տրեպովին, Վիտտեյին ու Ստոլիպինին, դրանց հետ միասին նաև ռեակցիայի և խավարամտության խոշորագույն գաղափարախոս Կ. Պ. Պոբեդոնոսցևին:

Վեց տասնամյակ հետո թերթելով մարտական-քաղաքական երգիծական այդ հանդեսները, ընթերցողը վերահասու է լինում այն դրամատիկական պայքարին, որ տեղի ունեւորանց և ցարական գրաքննության միջև: Որքան ավելի էր մոլեղնում ցարական գրաքննությունը, որքան ավելի էին հալածվում երգիծողներն ու ծաղրանկարիչներն, այնքան ավելի հնարամիտ էին դառնում երգիծական միջոցները: Ռուսաստանի երգիծական մամուլը մահու ու կենաց պատերազմ էր մղում մի կողմից, երկրորդ ուղղության զահի, մյուս կողմից, նրա երրեմնի «փառքի» պաշտպան ցարական գրաքննության դեմ:

* * *

Ռուսական առաջին հեղափոխությունը խորն արձագանքով որոտում էր նաև Անդրկովկասում: Այստեղ իրադարձությունները Ռուսաստանի կենտրոնական մարզերի համեմատությամբ այն առանձնահատկությունն ունեին, որ ցարիզմի դեմ ծավալված համաժողովրդական պայքարին միաձուլվել էին նաև

14 Դեռևս 20-ական թվականներին Վ. Ֆ. Բոցյանովսկին իր ուսումնասիրությանը, որն առաջին փորձն է այդ բնագավառում և համառոտ մատենագրական տեսության բնույթ ունի, կցած մատենագիտական ցուցակում 1905—1908 թթ. Ռուսաստանում լույս տեսած երգիծական պարբերականների թիվը հասցնում է 429-ի (Տե՛ս В. Ф. Бояновский, Русская сатира первой революции 1905—1906, Ленинград, 1923).

ձնշված ազգերի ազատագրական բաղձանքները: Քննարկելով ժամանակաշրջանի սոցիալ-քաղաքական երևույթները, այդ յուրահատկությունն, անշուշտ, մշտապես պետք է աչքի առաջ ունենալ:

Այդ առթիվ մենք ունենք Վ. Բ. Լենինի ուղղակի մտքերը: Ահա դրանք: Խոսելով 1905 թ. հեղափոխության բնույթի, շարժիչ ուժերի և դասերի մասին, Լենինը ասում էր. «Ռուսաստանի ձնշված ժողովուրդների մեջ բռնկվեց ազգային ազատագրական շարժում: Ռուսաստանում բնակչության կեսից ավելին, զրեքե երեք հինգերորդականը (ճշգրիտը 57 տոկոսը) ենթարկվում են ազգային ձնշման. նրանք զուրկ են մինչև անգամ մայրենի լեզվի ազատությունից, նրանց բռնի կերպով ուսացնում են»¹⁵: Այնուհետև նա նշում է, որ հեղափոխության տարիներին տպւնցնող արագությամբ ծագեցին ազգային բնույթի բաղձազան կազմակերպություններ, որոնց «...հսկայական աճման մի դարաշրջան էր դա»:

Հայտնի է նաև, որ Կովկասի իրադարձությունների մասին կուսակցության 3-րդ համագումարի համար գրած բանաձևի նախագծի մեջ¹⁶ Վ. Բ. Լենինը, գնահատելով երկրամասի քաղաքական իրադրությունը, նշում էր, որ Կովկասի սոցիալ-քաղաքական կյանքի հատուկ պայմանների հետևանքով այնտեղ ստեղծվել են բոլշևիկյան կուսակցության ամենամարտական կազմակերպություններ: Չափազանց ուշադրավ է նաև բանաձևի նախագծի այն մասը, ուր արձանագրված է, որ Կովկասում առկա է հեղափոխական իրադրություն, որն արդեն հասունացրել է համաժողովրդական ապստամբությունն ընդդեմ ցարական ինքնակալության:

Բարձր գնահատելով Կովկասի աշխատավորների հեղափոխական կորույրը, համագումարը Ռուսաստանի գիտակից պրոլետարիատի անունից ջերմորեն ողջունում էր «Կովկասի հերոսական պրոլետարիատին և գյուղացիությանը»:

Նշված առանձնահատկություններն ուղղակի թե անուղղակի կերպով չէին կարող շարտացույցել և արձագանք չգտնել ժամանակի պարբերական մամուլում, այդ թվում նաև երգիծական գրականության մեջ:

Կայսրության կենտրոնների հետ միասին Անդրկովկասում ևս աննախընթաց վերելք ապրեց պարբերական մամուլը: Քաղաքական ազատ մամուլի իրավունքը նվաճվել էր պրոլետարիատի անձնուրաց և արյունահեղ պայքարի շնորհիվ: Մամուլի ազատության համար, անշուշտ, նպաստավոր պայմաններ ստեղծեցին 1905 թ. ցարի շնորհած, թեկուզ և կիսատ, ազատությունները: Այդ է պատճառը, որ Անդրկովկասում ևս, ինչպես լեզալ-հեղափոխական բոլշևիկյան թերթերն ու ժուռնալները, այնպես էլ դեմոկրատական ձախ մամուլը, պատկերազարդ երգիծական հանդեսները, լույս տեսան 1905 թ. վերջերին և մեծ մասամբ հաջորդ տարվա՝ 1906 թ. սկզբներին:

Այդ շրջանում, Անդրկովկասում լույս տեսած, հեղափոխական բնույթի քաղաքական երգիծանքի միակ և ամենածանրակշիռ հայերեն օրգանը հանրապետ «Խաթաբալա» հանդեսն էր, որն իր զաղափարական-հասարակական ուղղության ու տեական, ամբողջ մի տասնամյակ (1906—1916 թթ.), գոյության շնորհիվ հատուկ տեղ է գրավում մեր դարի առաջին երկու տասնամյակի հապարբերական մամուլի պատմության մեջ:

¹⁵ Վ. Բ. Լենին, Ծրկեր, հատ. 23, էջ 329:

¹⁶ Վ. Բ. Լենին, Ծրկեր, հատ. 8, էջ 536—537:

«Խաթաբալա»-ն, ըստ էության, բուլշեիկյան մամուլի ամենամեծավոր դինակիցն էր և շատ հարցերում ուղղակիորեն նրա երգիծական հավելվածի դեր էր կատարում: Արժև հիշատակել, որ «Խաթաբալա»-ի հեղ միասին, նրան կողք-կողքի, ցարիզմի դեմ ծայր առած համաժողովրդական պայքարի մեջ, Անդրկովկասի իրականության պայմաններում, իրեն պատմական խոշոր դերն էր կատարում նաև ադրբեջաներեն հրատարակվող «Մուլա Նասրեդդին» երգիծական ուշագրավ հանդեսը: Այսպիսով, սակայն գաղափարակից այդ հանդեսներին միավորողը ժողովուրդների բարեկամության, ընդհանուր ընդամուռնում միավորվելու սրբազան գաղափարն էր, որ նրանք, որպես զրոշ պարզած, առաջ էին տանում իրենց երգիծական գոտեմարտում: Այլ կերպ անիմաստ, անհասկանալի կլիներ, մամուլի իսկական դեմոկրատական օրգանի գոյությունը:

«Մուլա Նասրեդդին»-ը, որը սկզբում լույս էր տեսնում Թիֆլիսում, իսկ հետագայում Բաքում, հիմնադրել էր ադրբեջանական ականավոր դեմոկրատ-լուսավորիչ, հասարակական գործիչ ու գրող Ջալիլ Մամեդկուլիզադեն: Հանդեսն իր էջերում լայնորեն, դեմոկրատական դիրքերից, արտացոլել է ողոսական առաջին հեղափոխության անցուղարձերը, հետևողականորեն պաշտպանել աշխատավորների շահերը և, եղել է ադրբեջանական առաջավոր մտավորականության հեղափոխական-դեմոկրատական օրգանը¹⁷:

Ուշագրավ է, որ այդ հանդեսի շուրջը համախմբվել էին ժամանակի ադրբեջանական առաջավոր մտավորականության լավագույն ներկայացուցիչները: Բավական է հիշատակել, որ բացի երգիծաթերթի խմբագրից, հանդեսին աշխատակցում էին այնպիսի նշանավոր գրողներ ու ժուռնալիստներ, ինչպիսիք էին՝ ադրբեջանական ժողովրդական բանաստեղծ Մ. Սաբիրը, բանաստեղծներ Ալի Նազմին, Մ. Օրդուբադլին, գրողներ Ա. Ախվերդին, Ղ. Շարիֆովը, Ֆ. Քոչարլին, նկարիչներ Ա. Ազիմ-զադեն, Օ. Շմերլինզը, Գ. Բոտտերը և մյուսները: Դրանով էր պայմանավորված այն մեծ հեղինակությունն ու ժողովրդայնությունը, որով օգտվում էր «Մուլա Նասրեդդին» ադրբեջանական ընթերցողների շրջանում:

«Մուլա Նասրեդդին»-ի, որպես մարտական հեղափոխական թերթի, աչքի ընկնող արժանիքներից մեկն էլ այն էր, որ նա ցարական ինքնակալությանը, տեղական շահագործողներին, բեգերին ու աղաներին, բուրժուական նացիոնալիստներին համարձակ ու սուր քննադատելուց բացի, մեծ ուշադրություն է նվիրել նաև միջազգային բնույթի հարցերին: Դա, անշուշտ, ժամանակի առաջադեմ և հետևողական դեմոկրատական բոլոր օրգանների համար չափազանց բնորոշ էր: Անհամեմատ մեծ ու լայն դիպլոմատիկ էր, օրինակ, ընդգրկում միջազգային կյանքի ամենաբազմազան հարցերը, նաև «Խաթաբալա»-ն:

Քաղաքական երգիծանքի իր սուր ծայրը «Մուլա Նասրեդդին» ուղղել էր իրանական և թուրքական դիպլոմատիկ, իմպերիալիզմի գաղութատիրական քաղաքականության դեմ:

Ի պատիվ ադրբեջանական պատմաբանների և բանասերների, հարկ է նշել, որ նրանք բավական հանգամանորեն ուսումնասիրել ու զննահատել են իրենց ժողովրդի հոգևոր այդ հարստություններից մեկը: «Մուլա Նասրեդդին» հանդեսի, նրա խմբագրի ու աշխատակիցների մասին հրապարակվել են մե-

17 М. К а с у м о в, Боевой революционно-демократический журнал «Молла Насреддин», Баку, 1960.

նադրություններ, գրքույկներ, տասնյակ հետազոտություններ ու հոդվածներ: «Խաթաբալա»-ի նման եղակի, բազմահարուստ պատմական ու գրական հուշարձանի մասին, նույնն ասել, ցավոք, չենք կարող:

Ի՞նչ կա, իսկապես, հրապարակի վրա: «Խաթաբալա»-ի մասին, առայժմ, որոշ հեղինակների մոտ, միայն համառոտ ակնարկների ենք հանդիպում: Իրանք մերթ ընդ մերթ երևում են ղերազանցապես ուսական առաջին հեղափոխության առանձին կողմերին նվիրված հետազոտությունների մեջ: Արձանագրելով այն հանրահայտ ճշմարտությունը, որ «Խաթաբալա»-ն եղել է առաջավոր ղեմավարական և քաղաքական ևրդիծաթերթ, նրանք պարբերականի որոշ նյութերն օգտագործում են որպես պատմական արժեքավոր վավերագրեր:

Ռուսական առաջին հեղափոխությանը նվիրված իր աշխատության մեջ¹⁸, Մ. Աղայանը նշում է, որ հատկապես հայ-ադրբեջանական բարեկամության ամրապնդման գործում, կարևոր դեր են կատարել «Սուլա Նասրեդդին» և «Խաթաբալա» ևրդիծական պարբերականները: Հեղինակը սեղմ տողերով բնութագրում է «Խաթաբալա»-ում պետեղված երկու նկար, որոնք մերկացնում են ազգամիջյան ընդհարումների գործում ցարիզմի պրովոկացիոն քաղաքականությունը:

«Խաթաբալա»-ի, ինչպես նաև ուսական առաջին հեղափոխության շրջանում Արևելյան Հայաստանում, շնայած կարճատև լույս տեսած, մյուս ևրդիծական պարբերականների մասին ուշագրավ էջեր կան Աս. Ասատրյանի աշխատության մեջ¹⁹, որը նվիրված է այն արձագանքին, որ գտել է ուսական ազատագրական պայքարի հայ գրականության մեջ: Հեղինակն իր գրքում վերլուծում և արժեքավորում է ևրդիծական մի շարք նկարներ, ինչպես և ղեհահատում է նրանում տպագրված ևրդիծական որոշ նյութեր, սահմանափակվելով 1905—1907 թթ. շրջանակներով:

Հայ ղեմավարական մամուլին նվիրված մեր ուսումնասիրության մեջ, վկայակոչելով ցարդ անհայտ որոշ վավերագրեր, ցույց ենք տվել այն մեծ հաջողության պատճառը, որն ունեցել է ժամանակին «Խաթաբալա»-ն: Այստեղ հաստատապես նշվում է, որ շաբաթաթերթը հիմնադրել ու խմբագրել են Աս. Երիցյանը և Ա. Աթանասյանը, բերված են տվյալներ պարբերականի տպաքանակի վերաբերյալ և, վերջապես, մեր այդ հետազոտությանը²⁰ կցել ենք «Խաթաբալա»-ի ևրկրորդ խմբագիր և առաջատար ֆելիետոնիստ Ա. Աթանասյանի՝ ևրդիծաթերթում տպագրված ծածկանուն և անստորագիր ֆելիետոնների ու այլ ևրդիծական ակնարկների մատենագիտական ցանկը, որն առաջին փորձն է այդ բնագավառում:

Այնուհետև, ևրդիծական մյուս պարբերականների հետ միասին, հեղինակ Ա. Գրիգորյանը, սոցիալիստական ուղիովի ակունքներին նվիրված իր աշխատության մեջ²¹, ուշադրության է առնում նաև «Խաթաբալա»-ն, ընդգծելով նրա նյութերի ու միայն տեղական, այլև ընդհանուր համառուսական նշանակությունը:

18 Մ. Պ. Աղայան, Հեղափոխական շարժումները Հայաստանում 1905—1907 թթ., Երևան, 1955, էջ 240:

19 Աս. Ասատրյան, Հայ գրականությունը և ուսական առաջին հեղափոխությունը, Երևան, 1956, էջ 201—233:

20 Ս. Թ. Իշխանյան, Հայ ղեմավարական մամուլի պատմությունից, Երևան, 1962:

21 Арам Григорян, У истоков социалистического реализма, Ереван, 1963.

Ի վերջո, այդ ցանկում, առանձնանում և բացառություն է կազմում Ա. Երևանիի՝ «Խաթարալա»-ի, շնայած և միայն մի կողմի, բայց իր բնույթով ուշադրավ ուսումնասիրությունը, որում արժեքավոր դիտողություններ կան «Խաթարալա»-ի և «Մուլա Նասրեդդին»-ի միջև եղած սերտ գաղափարական և ստեղծագործական կապերի վերաբերյալ²²։

Այդ հեղինակների մի մասը, ինչպես նաև գիտական շրջաններն ի սրտե ավստում են, որ «Խաթարալա»-ի նման հետաքրքիր և ուշագրավ պատմական վավերագիրը մինչև օրս էլ փաստորեն չի հետազոտված ու չի գնահատված նրա տեղն ու դերը հայ հասարակական մտքի պատմության մեջ։

Այսպիսով, «Խաթարալա»-ի մասին ասպարեզում եղած այդ թույլիկ ակնարկները մի կաթիլ ջուր են հետազոտողի առաջ փռված անհատակ ու անեզր ծովում։ Իսկ հիմնական պրոբլեմները մնում են։ Մնում է գլխավորն ու էականը՝ Նախ պետք է վեր հանել ու գնահատել երգիծաթերթի գաղափարական-հասարակական ուղղությունը, արժեքավորել նրանում շոշափված հասարակական-քաղաքական գլխավոր պրոբլեմները։ Շատ կարևոր է նաև բացահայտել «Խաթարալա»-ի հիմնադրման պատմությունն ու նրա առաջատար աշխատակիցների կազմը։ Վերջապես, անհրաժեշտ է ցույց տալ երգիծական այդ եղակի հուշարձանի սլատմա-ճանաչողական նշանակությունը, ինչպես նաև տասնյակ այլ հարակից հարցեր։

22 Ա. Յ. Ե. Երևանի, «Խաթարալա» շաբաթաթերթը Ադրեքանի մասին, Երևանի խ. Արուսյանի անվան Հայկական պետական մանկավարժական ինստիտուտի գիտական աշխատությունների ժողովածու, Երևան, 1964, էջ 268—296։